

廣東省地方史志辦公室輯

廣東歷代方志集成

惠州府部〔二〇〕

嶺南美術出版社

目錄	
(一)	
卷首	
題詞	一
序	三
舊序	一一
凡例	二九
目錄	三五
續修職名	三九
歷修職名	四四
圖像	縣全圖 形勢圖 交通圖 縣城圖
舊志縣署圖 舊志學宮圖 映片	四九
卷一	

〔民國〕和平縣志 目錄

輿地志	沿革 星野 疆域 區劃 山脉	
附名山	河流附水利 險要 古迹 名勝	
氣候	土質	八九
卷二		
人民志	族姓 戶口 民性 語言 風俗	一五三
卷三		
建置志	城池 墟市 衙署 公所 監所	
壇廟	碑塔 茶亭	二一七
卷四		
黨務志		二六三
卷五		
行政志	縣制 議會 警政 衛生 倉儲	
濟恤		二六七
卷六		
司法志	法院制度 獄制	二九五

卷七	財政志 田賦 稅捐 度支 公債 公庫	
	鹽政 田租附公地	二九九
卷八		
金融志	貨幣 銀行 當按押 借貸	四〇九
卷九		
教育志	縣學 學額 學官 附考棚印金	
學宮	附祀孔典禮 書院 義學 社學附	
學校 社教		四二一
卷十		
實業志	物產 農業 林業 蠶業 工業	
商業	礦業 漁業 獵業 畜牧 度量衡	五三三
卷十一		
兵防志	營制 營兵 民兵 鄉兵 汛地	
警衛	兵役 防空	五七七

(二)		
卷十二		
交通志	陸路 水路 橋渡 郵政 電報	
電話		五八九
卷十三		
會社志	農會 工會 商會 教育會 婦女會	
同業公會	報社 合作社	六一三
卷十四		
職官志	文職 武職 宦迹	六一七
卷十五		
選舉志	進士 武進士 舉人 欽賜舉人	
武舉	貢生 例貢 職員 文武生員 例監	
從九	學校畢業 孝廉方正 議員 仕宦	
封贈	恩賜 鄉飲	六六三

傳信傳疑

民國三十二年夏題

和平縣志

李漢魂



和平縣志

卷首

題詞

〔民國〕和平縣志 卷首 題詞

和平縣志

卷首

題詞

七修和平縣志屬題

文物重光

廣東第六區

行政專員
保安司令


周景臻



序一

黃蔭普先生贈書

廣東省



地方有司而欲善其政教美其風俗必藉鑑於志乘之記載所謂事不忘後事之師也惟志乘稽事載典彰往詔來其於文獻固關重要而一志之成往往贖一二百年而莫能廢續非以其纂修不易乎民國卅二年抗戰勝利將臨年之三月余與教育廳黃廳長麟書見視導和平適其地官紳設館續修縣志稿正編成將付剞劂會兼館長效愚凌副館長開蔚以志稿屬余爲序余受而閱之並詢編辦經過因曰當茲非常之會各縣軍政務殷繁日不暇給和平獨汲汲綱羅舊聞從事修志自前年五月集諸庠彥而采訪而編纂而繕校費時兩載備歷艱辛可謂勤矣而志中人物及重要事項之紀載類皆付諸評議會公同決定避免偏私綱陳日舉燦然可徵自足以信今傳後夫縣志爲省志所取資和平第六修舊志成於嘉慶己卯實因當時省修通志奉令興修蓋距今已一百二十餘載現本省通志方進行續修而和平第七修縣志卽於此時成書保存一邑文獻促進地方治化又可供給通志材料其作用至爲正大而官紳合作底於有成其精神毅力尤屬可貴倘各縣市皆能如此編摩

和平縣志

卷首

序

和平縣志

卷首

序

完成志書通志續修事過半矣因書以爲之序

中華民國三十二年四月

廣東民政廳廳長何 彤撰

序二

客歲四月余以視導縣政至和時邑官紳從事修志已開館三閱月曾縣長效愚兼任館長其副館長兼總纂則余友凌君秀峯也諸編纂協修亦多舊交相邀過談始悉其進行程序先由凌君主任採訪以八個月徧歷全縣協同紳學各界搜集志料然後設館編纂以冀依期歲事余甚躋之本年三月余與 民政廳何廳長出巡再至和城則志將付印館長副以繕正稿送閱且請 何廳長及余爲序余維和平在未建縣以前爲龍川及河源邊遠地山深路阻政令難及屢爲莠民所窟穴自明正德十三年王文成公削平寇亂奏設縣治頻施政教而後文化漸開衣冠文物蒸蒸日上地方之文野視政教爲轉移不從可見乎然邑中既往事實必賴志乘記載始得資鑑戒而策方來和平舊志自嘉慶己卯修後百廿餘年世事滄桑諸多興廢迨及今之抗戰建國世變益亟地方更變之事蹟愈繁值此時而搜羅

故實續修縣志固所以保存文獻亦文化建設急要之務也夫一邑之志書卽一邑之歷史且縣志有徵省志取焉省志有徵國史取焉縣志關係既若是之重故所載事實務極詳確所持言論務極公正乃爲可貴和邑此次修志採訪則責專搜廣編纂則合作分工修飾則時歷數月而重大事項又悉經評議會決定力避偏私成見其書之足以信今傳後大有裨於教育文化無疑也抑和平與敝邑龍川鄰縣也和境向分四圖和平仁義廣三等三圖析自龍川其河流皆入龍境故兩縣風俗習慣大抵相同居民往來感情素洽卽兩縣舊志亦同修自嘉慶龍先一年成書但龍志於民國二十年一月設館續修現尙未就今和平修志費時二載竟克告成誠令人不勝欣喜而志書風行人知感發花山洌水之間教化大興人文彪炳建大功成大業以生光榮於國史尤有無窮厚望焉是爲序

中華民國三十二年四月

廣東教育廳長黃麟書謹撰

序三

夫徵文考獻降唐虞三代而有書覈實循名歷漢魏六朝以可紀斯言也國家治亂興廢之

和平縣志

卷首

序

和平縣志

卷首

序

原尙矣至如一鄉一邑之間一人一事之烈無大無小可歌可泣者稽諸史乘或載焉而弗詳或擇焉而弗精爲欲補苴罅漏舍縣志其奚由粵之和平位東江上游毗閩贛邊徼萬山磅礴灌莽紛披有明之世王守仁帥師戡亂駐節於此以次開疆拓土依山建城蓋迄今四百餘年矣流風餘韻翕然猶存曩之縣史固班班可考第世變風移迭更治亂其間人文蔚起碩彥雲興昔之無以傳者允賴於補闕拾遺今之有可述者尤待於棗梨剞劂邑中達人凌子開蔚等有志於是爲時三載始竣七修余適於清和之月來篆是邦焚香開卷尋繹數四覺於此鄉此邑其事其人無大無小可歌可泣者莫不粲然備載至於山巔水涯捫險探幽亦復聲色如繪以謂是編爲世道人心之所托藏之名山而無愧者不其然乎爲弁數言於簡端藉誌躬逢之盛典

中華民國三十二年癸未夏仲

和平縣縣長謝月峯謹撰

序四

郡縣之有方志蓋爲古者列國史乘之遺近世志書大抵多仿唐宋州郡圖經通人議爲已

失史裁然苟紀載信而有徵卽足存一方文獻不獨採風問俗示如指掌舉凡地方因革損益胥可借以視往知來昔人往往身未下堂有所設施輒能出而合轍此方志之所以可貴而不可缺也和平處粵贛邊徼往昔山深林密每有政亂輒爲盜藪有明中葉洎頭聚賊亡慮數千放刦旁郡數十載正德十三年巡撫都御史王文成公約兵進剿旣平洎遂奏割龍川和平都等三圖河源惠化圖立縣設治於和平洞羊子埔撫輯流亡爲永甯計十五年報可乃建設城濠官廨學宮書院簡賢守治置學訓導以圖易俗化民由是漸有絃歌矣越四十餘年陳侯文彬以王文成公除三徼大愚功德在民不可以無紀也始倡修縣志情明清之際羣盜蠭起邑境騷然志棗隨燬康熙十一年唐侯開先垂情故典會廷詔博采郡邑風謠纂輯天下通志乃急起撫拾灰燼諮采舊聞彙成邑志未及蒞病康熙十九年韓侯師愈見唐志抄本尙多闕陋加以校訂增刪付梓流傳雍正六年王侯植再補訂遺錯增入事紀一篇搜輯精詳至爲可貴乾隆二十八年曹侯鵬翊又以雍正八年後宦蹟民風俱有實可徵復延儒開館補綴增修至嘉慶二十四年羅侯天桂續修已爲第六次和平志書於茲燦

和平縣志

卷首

序

三

和平縣志

卷首

序

三

焉稱備數百年故實賴以留遺不隳者皆歷賢侯之功地方先達之力也顧自羅志成後歷一百二十餘年其間隆替盛衰迭相起伏尤以海禁開華洋匯清社屋民國立中國政治軍事經濟文化莫不發生急劇變化和平疆域雖無變革而潮流激盪風氣丕開政教民俗逐漸進展比之嘉道以前相去殆不可以道里計時殊事異非舊志所能兼賅文獻無徵君子懼焉民國三十年春余承乏是邑詢取邑乘舊刻無存僅獲楊任柏印翻本一輯蓋仍嘉慶二十四年舊志余昕宵披覽兼參考王文成公全書見明大學士費宏所撰平洄頭記慨想文成與諸君子戡亂致治之大猷又知吾邑鄉先達天與王公當日責任甯都知縣從贛州知府邢珣由龍南縣太平保進兵躬與平洄之役心焉嚮往每欲於暇日求王公師行所經故道訪其軼事而父老無能言者蓋往跡之湮沒久矣因念百餘年來茲邑政教風俗之變遷其事皆爲父老耳目所接及今不爲紀載他日年湮世遠傳疑傳信又孰從而考之余用是決計重修縣志謀之邦人有周紳來言邑之賢宿凌秀峯先生習於掌故嘗蓄志修志且廿年以茲事體大蘊而未發近自龍川旋里著手籌備似甚忙碌者余大喜曰凌先生先

得我心今有若人事必成矣乃亟馳書徵至瞻其風采聆其議論於編修志書皆若夙具成規遂屬以主持纂務先生曰纂修之責所不敢辭惟和平地瘠民貧宜先采訪後開局以省費余謹其議由是立規章分區采集而先生則躬歷各鄉周諮博訪數月窮搜事實盡備爰集邑中賢達商議設館衆推余爲館長固辭不獲乃推先生爲副館長兼總纂而編纂協修各員分別遴聘設館於城南環溪寺開始編纂焉方是時教育廳長黃公麟書適巡視蒞縣聞是舉也莞爾笑曰抗戰五年悉索以赴猶能措意及此可謂能見其大矣並親臨志館指示訓勉有加衆爲感奮自三十一年一月開館至年底志稿完成計連卷首卷末都爲二十二卷卷中分目多寡不等經諸賢縝密研討詳慎校訂各目爲舊志原有者悉仍其舊而以新收事實連續之如舊志所無者增之又於前志之中誤者正之闕者補之而採摭翔實體裁多異於前要其大旨歸於信而有徵後之君子得以誦詩聞政入國知教入境觀風亦不爲無助余喜是書之果成而念摺紳先生之勩也故於付梓時詳述斯志之沿革與重修之始末使來者有所考焉

和平縣志

卷首

序

四

和平縣志

卷首

序

四

中華民國三十一年三月一日署和平縣長曾 樞敬撰

舊序 削修

邑舉人 劉應龍

古者自王畿至於列國自公侯達於附庸莫不有紀載之官以掌記時事予嘗考春秋傳所稱引如曰周志鄭志之類可以見矣所以掌故實職登載備考閱以廣聞見而示不忘也古語云前事之不忘後事之師也今之各省郡邑固古之列國也其爲志也者所以志不忘也遷曰書邕曰意嶠曰典勃曰錄法盛曰說名雖不一其實志也然或詳於浮詞則有專鼓脣吻之譏略於古實則有不勝斷綆之嘆故江淹云修史之難無出於志誠以志有憲章之所繫非老於典故者不能爲予和自設縣之初雖固有志但艱於草創之未詳時勢之未周也矧今五十餘禩沿革靡常弛張異術易致改圖離合殊化予儕積仰以俟大夫之賢能任記載者久矣今粵愼所陳侯尹蒞茲土才宏而德碩識深而慮遠當理平之時修廟學育賢才其尊德樂道化民成俗之意已無所不用其極矣而其幹局之長才思之敏振廢興遺剗弊屏蠹規畫纖悉靡事不舉上而城垣雉堞之修次而遞傳郵亭之飭下而險固走集之葺比閭族黨之聯其所以防憂患戒不虞者亦已至矣觀舊志之未詳新紀之未錄也故廣約曲

和平縣志

卷首

舊序

五

和平縣志

卷首

舊序

五

求旁搜隱括易其詞覈其實正其體疎其目婉而多慨直而不激遠而有徵近而不穢裁成義類自建置以至雜志分爲八卷而又各論敘以發之斯真古良志也觀者其將興而懲乎夫法不必盡於天下雖在郡邑補偏救敝弗可無者化而裁之存乎人焉因言以考實因實以稽政因政以問俗作者之徵於是爲大故蒞政者貴知要和非無志志之不詳志之無也和有志自今始斯知要矣予不揣僭述於篇俾觀風者攷焉萬曆二年歲次甲戌季春望日舊後序 創修

邑貢生 何九疇

嘗聞志者記也記其事以出治道者也昔考亭朱子歷宦江浙閩海所在以修志爲急非徒資博洽記空言已也固將灼前聞而見之行事已耳使因志所在而反求之究理亂之原謹苞桑之戒若事因何而興若事因何而廢惓惓然思所以登戶口實財賦振兵防興學校同風俗毓賢才則元氣回而邦本固矣古者四方之志外史掌之所以述往訓來記實而備典故者非以是與故善爲政者非以役志簿書爲能而以留心文事爲賢所謂儒術飭吏事是也茲愼所陳俟下車和邑器局冲融才猷敏邵適惠潮兵燹之餘烟井蕭條而戶口耗折生